

ք. Իջևան

«24» 01 2020թ.

«Երևանի պետական համալսարան» հիմնադրամի Իջևանի մասնաճյուղը (այսուհետ՝ ԵՊՀ ԻՄ) ի դեմս տնօրենի պաշտոնակատար Ա. Մակարյանի, որը գործում է կանոնադրության հիման վրա և «Տավուշի տարածաշրջանային պետական քոլեջ» ՊՈԱԿ (այսուհետ՝ Քոլեջ) ի դեմս տնօրեն Ն. Բրուտյանի, որը գործում է Քոլեջի կանոնադրության հիման վրա (այսուհետ՝ Կողմեր), կարևորելով ՀՀ Տավուշի մարզում զբոսաշրջության ոլորտի զարգացումը և աշխատաշուկայի համալրումը միջին օղակի մասնագետներով, համաձայնեցին հետևյալի մասին.

1. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿԸ

Կողմերը կարևորելով աշխատաշուկայում մրցունակ մասնագետի պատրաստման և կրթական համակարգի զարգացմանն ուղղված բարեփոխումների անհրաժեշտությունը, ելնելով այն հանգամանքից, որ հաստատությունների կամավոր համախմբումը հնարավորություն կընձեռնի համատեղ ուժերով նպաստել սոցիալական գործընկերության փոխազդեցության շրջանակներում պատրաստելու և վերապատրաստելու միջին օղակի մասնագետներին նախնական /արհեստագործական/ և միջին մասնագիտական կրթական ծրագրերով՝ ոլորտի և աշխատաշուկայի պահանջներին համապատասխան:

Կողմերը, համապատասխանաբար կնքելով սույն համագործակցության հուշագիրը, ամրագրում են սահմանված նպատակին հասնելուն ուղղված իրենց պատրաստակամությունը:

Սույն հուշագիրը միջոցների հատկացման պարտավորագիր չէ: Այն ցանկացած Կողմի համար օրենքով պարտադրվող պարտավորություն չի համարվում, կամ իրավունքներ չի տրամադրում որևէ այլ Կողմի համար:

2. ՀԱՄԱԳՈՐԾԱԿՑՈՒԹՅԱՆ ԽՆԴԻՐՆԵՐԸ

- 2.1. Կողմերը սույն Հուշագրի շրջանակներում պատրաստակամ են.
- 2.2 նպաստել Տավուշի մարզի զբոսաշրջության ՏՏ, ճշգրիտ ճարտարագիտության և գյուղատնտեսության ոլորտների տնտեսական զարգացմանը և խթանել գործազրկության նվազեցմանը,
- 2.3. պատրաստել զբոսաշրջության ՏՏ, ճշգրիտ ճարտարագիտության և գյուղատնտեսության ոլորտների միջին օղակի բարձրակարգ մասնագետներ՝ զարգացնելով տվյալ ոլորտի մարդկային ռեսուրսները,
- 2.4. աջակցել հաջողությամբ ավարտած մասնակիցներին բուհում շարունակական կրթությանը և/կամ աշխատանքի տեղավորմանը,
- 2.5. ապահովել անհրաժեշտ պայմաններ շրջանավարտների մասնագիտական պատրաստվածության, որակի բարձրացման և նրանց հետագա աշխատանքի տեղավորման համար,
- 2.6. նպաստել ԵՊՀ ԻՄ-ի և Քոլեջի գործունեության լուսաբանմանը,
- 2.7. նպաստել նորարարական տեխնոլոգիաների ներդրմանը,
- 2.8. կազմակերպել Քոլեջի ուսանողների հանդիպումներ ԵՊՀ ԻՄ-ի աշխատակիցների հետ,
- 2.9. ուսանողների մոտ ձևավորել ԵՊՀ ԻՄ-ի հանդեպ գրամիջ իմիջ և մոտիվացիա հետագա գործնական ուսուցման համար,
- 2.10. ձևավորել թիրախային խմբեր ըստ ԵՊՀ ԻՄ-ի կողմից պահաջարկված մասնագիտությունների,
- 2.11. իրականացնել միջին օղակի մասնագետների պատրաստումը և վերապատրաստումը,
- 2.12. կատարել այլ գործողություններ սույն Հուշագրի շրջանակներում:

3. ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՄԿՋԲՈՒՆՔՆԵՐԸ

Կողմերը պարտավոր են առաջնորդվել համագործակցության հետևյալ հիմնական սկզբունքներով.

- փոխադարձ վստահություն,
- պատասխանատվություն,
- պարտաճանաչություն,
- որակի վերահսկում,
- փոխըմբռնում և փոխզիջում,
- թափանցիկություն,
- համագործակցություն:

4. ԳԱՂՏՆԻՈՒԹՅՈՒՆ

4.1. Կողմերը պարտավորվում են զաղտնի պահել համագործակցության ընթացքում հայտնի դարձած յուրաքանչյուր տեղեկատվություն:

4.2. 4.1. կետով նշված պահանջը չի գործում այն դեպքում, երբ տեղեկատվությունը զաղտնագրվում է լիազորված անձանց կողմից:

5. ԵԶՐԱՓՈՒԿ ԴՐՈՒՅԹՆԵՐ

5.1. Հուշագիրն ուժի մեջ է մտնում Կողմերի ստորագրման պահից և գործում է անժամկետ:

5.2. Սույն Հուշագրի ցանկացած փոփոխություն կատարվում է գրավոր և դառնում նրա անբաժանելի մասը:

5.3. Հուշագիրը կարող է դադարեցվել Կողմերից յուրաքանչյուրի նախաձեռնությամբ, մյուս Կողմին առնվազն 30 օր առաջ գրավոր տեղեկացնելու պայմանով:

5.4. Սույն Հուշագրի վերաբերյալ Կողմերի միջև ծագած անհամաձայնություններն ու վեճերը լուծվում են Կողմերի բանակցությունների միջոցով:

5.5. Սույն Հուշագիրը կնքվում է երկու օրինակից, հայերեն լեզվով, յուրաքանչյուր Կողմին տրվում է մեկական օրինակ:

6. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ

<p style="text-align: center;">ԵՂՂ ԻՄ «Երևանի պետական համալսարան» հիմնադրամի Իջևանի մասնաճյուղ Հասցե՝ Տավուշի մարզ, ք. Իջևան Ուսանողական 3</p> <p style="text-align: center;">Տնօրենի պաշտոնակատար՝ Ա. Մակարյան</p> <p style="text-align: center;">Կ.Տ.</p>	<p style="text-align: center;">Քոլեջ ՀՀ Կրթության և գիտության նախարարության «Տավուշի տարածաշրջանային պետական քոլեջ» ՊՈԱԿ Հասցե՝ Տավուշի մարզ, ք. Իջևան, Նալբանդյան 5</p> <p style="text-align: center;">Տնօրեն՝ Հ. Բրուտյան</p> <p style="text-align: center;">Կ.Տ.</p>
---	---